

**SABAHUDIN DELALIĆ**  
**Dopredsjedavajući**  
**Skupštine Kantona Sarajevo**

24. radna sjednica Skupštine Kantona Sarajevo

Na osnovu člana 106. Poslovnika o radu Skupštine Kantona Sarajevo postavljam sljedeću

### **PONOVLJENU ZASTUPNIČKU INICIJATIVU**

Tražim da Ministarstvo unutrašnjih poslova KS na internet stranici objavljuje statističke pokazatelje kriminaliteta, ažurno do tekućeg mjeseca.

Tražim da podaci uključe pokazatelje djelovanja sistema za prijavu korupcije.

Tražim da ovi podaci dolaze iz baze podataka kako bi oštećeni ali i svi građani mogli pratiti rješavanje krivičnog djela.

Obrazloženje:

Ministarstvo unutrašnjih poslova Kantona Sarajevo (MUP) Skupštini KS povremeno Skupštini dostavlja Informaciju o stanju kriminaliteta, javnog reda i mira i sigurnosti saobraćaja na području Kantona Sarajevo. Znatan dio ove Informacije su statistički pokazatelji kriminaliteta, koji su pored tabelarnog dijela ponovljeni i tekstualno. Pri tome se vrši uporedba samo sa prethodnom godinom.

Takav način dostave statističkih i tekućih informacija zastupnicima i građanima je nepraktičan i prevaziđen. Postoji subjektivni osjećaj povećanja kriminaliteta kod građana, uprkos umirujućim porukama policije da bilježe trend smanjenja krivičnih djela.

U Inicijativi koju sam podnio 01.02.2016. godine, tražio sam da MUP na svojoj internet stranici redovno objavljuje statističke pokazatelje kriminaliteta. Iz ove baze bi se trebao vidjeti i broj podnesenih službenih izvještaja od strane MUP-a prema nadležnim tužilaštvarima, po tužilaštvarima.

U odgovoru ministra MUP od 08.03.2016. se iznosi tvrdnja da pisane informacije koje se pripremaju tromjesečno sadrže dovoljno pokazatelja, što nije prihvatljivo, a svakako je prevaziđeno i ne u skladu sa tehničkim mogućnostima struke.

U odgovoru se navodi da bi retroaktivni unos, koji je također tražen od 2006. godine, povećao troškove i usporio dinamiku pripreme postojećih izvještaja. Iz ovog odgovora se razumije da MUP nema takve podatke spremne, što je razlog više da se oni pripreme, a da se vrijeme i troškovi ručne pripreme statističkih izvještaja utroše u pripremu sistema, popunu podataka, uključuju podatke unazad.


Posebno sam naglasio potrebu da ovi podaci dolaze direktno iz baze podataka, bez pripreme posebnog dokumenta, kako bi oštećeni ali i svi građani mogli pratiti konkretno rješavanje krivičnog djela za koji su zainteresirani. Ova baza bi mogla sadržavati i lokaciju krivičnog djela, kako bi se dobila mapa učestalosti.

Tražio sam i da podaci uključe pokazatelje djelovanja dosta promovisanog sistema za prijavu korupcije, odnosno broj podnesenih prijava, statistiku poduzetih aktivnosti i dobijene rezultate.

Osim odgovora da su u 2015. bile tek 4 prijave, nije postupljeno po traženju da izvještaj sadrži podatke o sistemu prijave korupcije.

Navedeno bi predstavljalo suštinski transparentan rad i doprinijelo vraćanju povjerenja u rad policije i povećanju osjećaja sigurnosti uz mogućnost da MUP na najbolji način predstavi svoj učinak, te uz nezadovoljstvo postupanjem po prethodnoj ovu inicijativu podnosim ponovo.

Sarajevo, 07.02.2017 godine

**SABAHUDIN DELALIĆ**  
  
Dopredsjedavajući  
Skupštine Kantona Sarajevo